



Mātaiako

HE KŌRERO MĀ NGĀ WHĀNĀU

MĀTAIAKO

Ko tā Mātaiako he mātai, he aromatawai i te ako, he whakakao i ngā akoranga hei āwhina i te ākongā i te huarahi whai mātauranga

Ka whakatinanahia *Ngā Whanaketanga Rumaki Māori* i te tau nei i ngā kura me ngā whare rumaki reo Māori e whai ana i *Te Marautanga o Aotearoa*.

Ko tā *Ngā Whanaketanga Rumaki Māori* he whakaahua i ngā pūkenga reo, pāngarau hoki, me te mārama o ngā tamariki me ako e rātou i tēnā kōeke, i tēnā kōeke i te kura. Ko te whakapiki i te angitu o te ākongā i roto i te reo me te pāngarau mā ngā wāhanga ako katoa o *Te Marautanga o Aotearoa* tētahi tino whāinga a ngā kura me ngā whare rumaki reo Māori.

He mea tautoko *Ngā Whanaketanga Rumaki Māori* e Mātaiako, nā reira he mea nui tonu kia mōhio, kia mārama hoki koe ki te kaupapa o Mātaiako.

HE AHA KOIA A MĀTAIAKO?

Ko te kaupapa o Mātaiako kia mōhio ai koe e pēhea ana te ako a tō tamaiti, ā, me pēhea te āwhina i a ia kia pakari kē atu tana ako.

Ko tā Mātaiako:

- he kohikohi kōrero mō te pakari haeretanga me te whakatutukitanga o tō tamaiti;
- kia mārama ki aua kōrero mō te ako a tō tamaiti
- he whiriwhiri i aua kōrero e pai ake ai te whakaako me te ako a tō tamaiti.

NGĀ WHAKATAU WHĀNUI A TE KAIKO

HE PANGA HONOHONO ...

Ānō nei he tūhonohono maramara o tētahi panga te whakatau whānui a te kaiako: ko tāna he kohikohi, he tātari kōrero mō ngā ako a te ākongā, ā, ka whakakao mai ngā kōrero katoa kia oti mai he tirohanga whānui o te pakari haeretanga me te whakatutukitanga o te ākongā


He maha ngā wāhanga o te tirohanga whānui, pērā me te panga maramara,– kāore e taea e tētahi maramara panga kotahi te tirohanga whānui te whakakite, inā hoki e kore e taea e tētahi maramara raraunga kotahi te tohu tika te pakari o te ākongā

TE TŪHONOHONO MARAMARA ...

He maha ngā huarahi hei kohikohi kōrero mō te pakari haeretanga o tō tamaiti. Tērā pea ko tā te kaiako;

- he mātakitaki i ngā whiriwhiringa mahi, tākarō hoki a tō tamaiti i te kura
- he tuku i tō tamaiti ki te aromatawai i āna ake mahi, te mahi rānei a ētahi atu ākongā
- he whakawhānui i ngā mahi e hoatu ai ki tō tamaiti
- he kōrero tahi me tō tamaiti e kitea ai ngā mea e mōhiohia ana, e mārama ana, ā, e taea hoki e ia te kawē
- he whakaemi hua i ngā aromatawai ōkawa, he whakamahī rauemi aromatawai hoki

Hui katoa ana ēnei kōrero, hui katoa ana te mārama ki ngā wāhi e kaha ana tō tamaiti, ki ngā wāhi hoki me kaha ake ia.



KIA MŌHIO MAI KOUTOU ...

Me tuku e te kura, kia kua e iti iho i te rua, he pūrongo whai reo māmā ki ngā mātua ki te whakamōhio atu e pēhea ana te ako a tō tamaiti ki tā *Ngā Whanaketanga Rumaki Māori* e kī ai. Mā ēnei pūrongo e mārama ai koe ki:

- ngā wāhanga e tino pai ana te ako a tō tamaiti
- ngā wāhanga me pakari ake ia
- te momo āwhinatanga hei tautoko i tana ako
- ngā akoranga hei whai māna ā muri atu.

“KO TAKU HIAHIA, MĀ TE KURA AKU TAMARIKI E KAWĒ KI Ō RĀTOU ITI KAHURANGI, HE MAUNGA TEITEI ANAKE HEI WHAKATUOHU I A RĀTOU.”

(nā tētahi mātua)

Ki te kore koe e mārama ki ngā kōrero i roto i ngā pūrongo mō tō tamaiti, me kōrero ki te kaiako, ki ētahi atu mātua rānei. Me inoi atu rānei ki tō kura kia whakaritea he hui hei kōrero mō:

- ngā momo kōrero hei whakauru atu ki roto i ngā pūrongo
- te āhua o ngā kōrero i roto i ngā pūrongo me
- te reo o ngā pūrongo.

TE ĀWHINA ATU I TŌ TAMAITI ME TANA AKO

ME OHU TE MAHI ...

He tika me mahi tahi me tō tamaiti me ōna kaiako ki te tautoko i te ako a tō tamaiti. Mā te pūrongo o tō tamaiti, ka whai wāhi koutou ki te kōrerorero mō ēnei:

- e pēhea ana te ako a tō tamaiti i te kura?
- he aha āna mahi e tutuki pai ana i a ia?
- he aha ngā mahi me whai āwhinatanga tō tamaiti?
- he aha anō ngā tū akoranga hei whai māna?

Mā te kaiako e whakamārama he aha he mahi māu hei whakapakari ake i ngā akoranga o tō tamaiti i te kāinga.

KI TE KORE KOE E MŌHIO, PĀTAI ATU ...

He mea nui kia mōhio, kia mārama koe ki Mātaiako.

Me he pātai, he āwangawanga rānei āu e pā ana ki Mātaiako, me kōrero ki te kaiako o tō tamaiti. Māna e whakamārama atu he aha ngā kōrero e whiriwhirihia ana e ia ki te whakatau whānui māna mō te ako o tō tamaiti i te kura, ā, māna hoki ō pātai e whakautu.

Mō ētahi atu kōrero, whakapā atu ki ngā tari ā-rohe.

Whangarei (09) 436 8900 enquiries.whangarei@minedu.govt.nz
Auckland (09) 632 9400 enquiries.auckland@minedu.govt.nz
Hamilton (07) 858 7131 enquiries.hamilton@minedu.govt.nz
Rotorua (07) 349 7399 enquiries.rotorua@minedu.govt.nz
Napier (06) 833 6730 enquiries.napier@minedu.govt.nz
Lower Hutt (04) 463 8699 enquiries.lowerhutt@minedu.govt.nz
Whanganui (06) 349 6300 enquiries.whanganui@minedu.govt.nz
Nelson (03) 546 3470 enquiries.nelson@minedu.govt.nz
Christchurch (03) 378 7300 enquiries.christchurch@minedu.govt.nz
Dunedin (03) 471 5200 enquiries.dunedin@minedu.govt.nz
Invercargill (03) 211 8000 enquiries.invercargill@minedu.govt.nz

